



Plak asseblief die
strepieskode-etiket hier

PUNTE-
TOTAAL

--

NASIONALE SENIOR CERTIFIKAAT-EKSAMEN
NOVEMBER 2023

EKONOMIE

EKSAMENNOMMER

--	--	--	--	--	--	--	--	--	--	--	--	--

Tyd: 3 ure

300 punte

LEES ASSEBLIEF DIE VOLGENDE INSTRUKSIES NOUKEURIG DEUR

1. Hierdie vraestel bestaan uit 36 bladsye. Maak asseblief seker dat jou vraestel volledig is.
2. Lees die vrae noukeurig deur.
3. **Alle vrae is verpligtend.**
AFDELING A: Vraag 1
AFDELING B: Vraag 2, 3, 4 en 5
AFDELING C: Vraag 6
4. **Beantwoord AL die vrae op die vraestel en dien dit aan die einde van die eksamen in. Onthou om jou eksamennommer in die blokkies hierbo in te vul.**
5. Beantwoord vrae waar moontlik puntsgewys, maar in volsinne. 'n Sistematiese aanbieding van feite word vereis.
6. Dit is in jou eie belang om leesbaar te skryf en jou werk netjies aan te bied.
7. Nieprogrammeerbare sakrekenaars mag gebruik word.
8. **Moet asseblief nie in potlood skryf nie**, aangesien werk in potlood nie nagesien sal word nie. Enige sketse of diagramme kan egter in potlood gedoen word.
9. TWEE skoon bladsye (bladsy 35 en 36) word aan die einde van die vraestel ingesluit. Gebruik hierdie bladsye indien jy te min spasie vir 'n vraag het. Toon die vraagnommer van jou antwoord duidelik indien jy hierdie ekstra spasie gebruik.

Puntetoekenning

V1	V2	V3	V4	V5	V6	Totaal
50	50	50	50	50	50	300

AFDELING A**VRAAG 1**

50

Kies die MEES korrekte opsie vir Vraag 1.1 tot 1.20 en skryf die letter wat met jou keuse ooreenstem in die blokkie hieronder.

1.1	
1.2	
1.3	
1.4	
1.5	
1.6	
1.7	
1.8	
1.9	
1.10	
1.11	
1.12	
1.13	
1.14	
1.15	
1.16	
1.17	
1.18	
1.19	
1.20	

$10 \times 2 =$

20

$10 \times 3 =$

30

1.1 Watter formule word deur ekonome gebruik wanneer BBP bereken word deur die inkomstemetode BBP (I) te gebruik?


- A $w + r + i + p$
 - B $r + p + s + l$
 - C $w + T + l + P$
 - D $r + w + l + L$
- (2)

1.2 Wanneer die produksiekapasiteit van 'n land toeneem, word dit ... genoem.

- A ekonomiese ontwikkeling
 - B ekonomiese resessie
 - C ekonomiese groei
 - D ekonomiese hoogtepunt
- (2)

1.3 Bestudeer Grafiek 1 hieronder en beantwoord die vraag wat volg.

Grafiek 1: Pryselastisiteit van vraag



Bostaande grafiek demonstreer 'n ...

- A volmaakte prysonelastiese vraag.
 - B pryselastiese vraag.
 - C unitêre pryselastiese vraag.
 - D prysonelastiese vraag.
- (2)

1.4 'n Styging in die petrolprys sal veroorsaak dat die aantal voertuie wat gevra word afneem en dit sal 'n negatiewe pryselastisiteit van vraag op die lang duur hê, omdat ...

- A petrol en voertuie substitute is.
 - B petrol 'n minderwaardige produk is.
 - C voertuie 'n inkomste-onelastiese vraag het.
 - D petrol en voertuie komplementêre produkte is.
- (2)

1.5 Bestudeer Prent 1 hieronder en beantwoord die vraag wat volg.

Prent 1: Verbruikersprodukte en -dienste



Identifiseer die tipe verbruikersproduk wat in Prent 1 hierbo geïllustreer word.

- A Nieuwreprodruk
- B Semiduurreprodruk
- C Diens
- D Duurreprodruk (2)

1.6 Die Mediumtermynbegrotingsbeleidsverklaring (MTBBV) word elke jaar in ... aan die parlement voorgelê deur die

- A Oktober, President van die Suid-Afrikaanse Reserwebank
- B Februarie, Minister van Finansies
- C Oktober, Minister van Finansies
- D Junie, Minister van Finansies (2)

1.7 Suid-Afrika se persoonlike inkomstebelastingstelsel word ... genoem.

- A LBS
- B sondebelaasting
- C BTW
- D SBM (2)


1.8 Die omvang van 'n sakesiklus is die verskil gemeet ...

- A van 'n trog tot 'n trog.
- B van 'n piek tot 'n piek.
- C tussen die trog en die volgende piek.
- D van die herstel tot die piek.

(2)

1.9 Bestudeer Grafiek 2 hieronder en beantwoord die vraag wat volg.

Grafiek 2: Aanbod



Grafiek 2: *Ceteris paribus* illustreer dat die aanbodkromme 'n ... helling het en 'n ... verband tussen prys en hoeveelheid wat aangebied word.

- A negatiewe, indirekte
- B positiewe, direkte
- C positiewe, indirekte
- D negatiewe, direkte

(2)

1.10 Buitelandse reserwes kan die beste beskryf word as ...

- A die koers waarteen een geldeenheid vir 'n ander verruil word.
- B die geldeenheid van ander lande wat deur die sentrale bank gehou word.
- C die vloei van geld in en uit lande, soos beleggers die hoogste opbrengskoers probeer kry.
- D die verhouding tussen uitvoerpryse en invoerpryse.

(2)

1.11 Bestudeer Tabel 1 hieronder en beantwoord die vraag wat volg.

Tabel 1: Arbeidsopname vir "Land X"

Totale bevolking van werkende ouderdom	20 miljoen
Mense onder die ouderdom van 15	3 miljoen
Werklose mense	7 miljoen


Die werkloosheidskoers vir Land X is ...

- A 35%.
- B 2,86%.
- C 1,4%.
- D 13%.

(3)

1.12 Bestudeer Grafiek 3 hieronder en beantwoord die vraag wat volg.

Grafiek 3: Buitelandse valuta



Ceteris paribus, die volgende gebeurtenis het tot die verskuiwing in vraag na Suid-Afrikaanse rand (ZAR) gelei (soos in Grafiek 3 hierbo geïllustreer is).

- A Meer Suid-Afrikaanse toeriste besoek New York, VSA, in plaas van Londen, Engeland.
- B Meer Amerikaanse toeriste besoek Kaapstad, Suid-Afrika, in plaas van Londen, Engeland.
- C Meer Engelse toeriste besoek New York, VSA, in plaas van Kaapstad, Suid-Afrika.
- D Meer Suid-Afrikaanse toeriste besoek Londen, Engeland, in plaas van New York, VSA.

(3)

1.13 Bestudeer Tabel 2 hieronder en beantwoord die vraag wat volg.

Tabel 2: Betalingsbalansrekeningitems van "Land Y"

Betalingsbalansitems	Miljarde
Goedere uitgevoer	514
Netto direkte beleggings	46
Netto lopende oordragte	(32)
Netto portefeuljebeleggings	104
Goedere ingevoer	(564)
Netto ander beleggings	(26)

Die saldo van die Finansiële Rekening is ...

- A 124 miljard.
- B 52 miljard.
- C 92 miljard.
- D -50 miljard.

(3)

1.14 Bestudeer Tabel 3 hieronder en beantwoord die vraag wat volg.

Tabel 3: Phillips-krommeverrekening

	Uitwerking		
Verandering in Totale Vraag (TV)	Prysvlak	Produksie	Werkloosheid
Toename	Toename	A	B
Afname	C	Afname	Toename

Voltooi die verrekening wat deur die Phillips-kromme in Tabel 3 hierbo weerspieël word:

- A A: Toename B: Toename C: Afname
- B A: Toename B: Toename C: Toename
- C A: Afname B: Afname C: Toename
- D A: Toename B: Afname C: Afname

(3)


1.15 Die Suid-Afrikaanse Reserwebank kondig 'n verandering in die rentekoers van 7,25% tot 8% aan deur sy ... beleid toe te pas. Die korrekte manier om dit te beskryf, is ...

- A ekspansionistiese monetêre, 'n styging in 75 persentasiepunte.
- B beperkende monetêre, 'n styging van 0,75%.
- C ekspansionistiese monetêre, 'n styging van 0,75 basispunte.
- D beperkende monetêre, 'n styging van 75 basispunte.

(3)

- 1.16 Indien die regering sy besteding verminder en die Suid-Afrikaanse Reserwebank (SARB) terselfdertyd rentekoerse verhoog, *ceteris paribus*, sal die waarskynlikste uitkomst wees dat ...
- A totale vraag sal val, maar die inflasiekoers sal styg.
 - B totale aanbod sal val, maar ekonomiese groei sal styg.
 - C inflasiekoers sal val, maar werkloosheidskoers sal styg.
 - D werkloosheidskoers sal val, maar die lopende rekening op die betalingsbalans sal verbeter. (3)
- 1.17 Watter EEN van die volgende beskrywings rakende handelsooreenkomste is korrek?
- A 'n Eensydige handelsooreenkoms vind plaas wanneer twee of meer lande handelsbeperkings op 'n spesifieke land oplê en geen ander land doen dieselfde nie.
 - B Bilaterale handelsooreenkomste vind plaas wanneer twee lande ooreenkom om handelsbeperkings minder streng te maak om sakegeleenthede tussen hulle uit te brei deur tariewe te verlaag en voorkeurhandelstatus aan mekaar te verleen.
 - C Voorkeurhandelsooreenkomste tussen lande waardeur invoerbelasting vir sekere produkte na hierdie lande verhoog word.
 - D Algemene handelsooreenkomste maak voorsiening vir die mees begunstigde land se tariefhantering, wat die maksimum standaard is vir internasionale handelsbetrekkinge soos ingestel volgens die Wêreldhandelsorganisasie (WHO). (3)
- 1.18 Watter EEN van die volgende kombinasies kan as maniere beskou word waarop besighede en die regering ingryp by/reageer op markmislukkings?
- (i) Aangewese rookgebiede.
 - (ii) Voedingsinligting word op voedsel etikette aangedui.
 - (iii) Ouderdomsbeperkings op die verbruik van alkoholiese drank.
 - (iv) Betaalde parkering vir alle burgers by die lughawens.
- A (i), (ii) en (iii)
 - B (i), (ii) en (iv)
 - C (ii), (iii) en (iv)
 - D (i), (ii), (iii) en (iv) (3)
- 1.19 Land Y implementeer gevorderde tegnologie, daarom ervaar Land Y 'n styging in produktiwiteit. Dit sal veroorsaak dat die geldeenheid van Land Y ... omdat goedere en dienste teen 'n ... prys geproduseer word.
- A appresieer; laer
 - B depresieer; laer
 - C depresieer; hoër
 - D appresieer; hoër (3)

1.20 Bestudeer Grafiek 4 hieronder en beantwoord die vraag wat volg.



Die Gini-koëffisiënt kan bereken word as:

- A B gedeel deur $(A + B)$
- B A gedeel deur B
- C $(A + B)$ gedeel deur $(B + A)$
- D A gedeel deur $(A + B)$

(3)

50 punte

AFDELING B**VRAAG 2 MAKRO-EKONOMIE**

2.1 Bestudeer Tabel 4 hieronder en beantwoord die vrae wat volg.

Tabel 4: Suid-Afrika se Betalingsbalansrekening – "Jaarsyfers 2021".

Items	(R) Miljarde
Handelsware-uitvoere	1 796 750
Netto gouduitvoere	108 004
Diensontvangste	134 926
Primêre inkomste-ontvangste	167 431
Handelsware-invoere	1 348 655
Diensbetalings	200 966
Primêre inkomstebetalings	286 029
Netto lopende oordragte	92 360
Saldo op lopende rekening	?

[Bron: SARB kwartaalbulletin Maart 2022]

2.1.1 **Beskryf** die volgende ekonomiese begrippe.

(a) Betalingsbalans (BB):

(2)

(b) Lopende rekening:

(2)

2.1.2 **Bereken** die Handelsbalans deur na Tabel 4 hierbo te verwys.
(Toon alle berekenings.)

(4)

- 2.1.3 **Bereken** die saldo op die Lopende Rekening deur na Tabel 4 te verwys en **dui aan** of die Lopende Rekening 'n surplus of 'n tekort het (Toon alle berekenings.)



(5)

- 2.2 Bestudeer Uittreksel 1 hieronder en beantwoord die vrae wat volg.

Hoe Oekraïne 'n Oorlogseconomie bestuur –

"Oekraïne sal in 2022 minstens 'n derde van sy BBP verloor." (22 Des. 2022)

[Bron: <<https://www.imf.org>>]

- 2.2.1 Verwys na Uittreksel 1 hierbo en **teken** 'n volledig benoemde Sakesiklus. Merk die land se posisie op die Sakesiklus met 'n "X".



(7)

2.2.2 **Verduidelik** die verskil tussen 'n leidende en sloerende aanwyser.


(4)

2.2.3 **Bespreek**, met behulp van voorbeelde, die twee stelle redes (eksogeen en endogeen) vir die vorm of struktuur van 'n tipiese Sakesiklus.

(6)

2.3 Bestudeer Diagram1 hieronder en beantwoord die vrae wat volg.

Diagram 1: Oop kringloopmodel



[Bron: <<https://2012books.lardbucket.org/books/theory-and-applications-of-macroeconomics/s20-16-the-circular-flow-of-income.html>>]

2.3.1 **Lys** die TWEE strome wat die interaksie tussen die deelnemers in Diagram 1 hierbo verbind.

(2)

2.3.2 **Identifiseer** die VIER hoofdeelnemers van die kringloop wat in Diagram 1 hierbo uitgebeeld word.

(4)

2.4 Bestudeer Tabel 5 hieronder en beantwoord die vrae wat volg.

Tabel 5: BBP teen huidige pryse vir "Land X"

JAAR	BBP teen huidige pryse (milj.)	Inflasie-indeks
2019	4 905 450	106,88
2020	5 151 521	105,89
2021	5 450 414	108,01
2022	5 751 885	106,03

2.4.1 **Beskryf** die volgende ekonomiese begrippe.

(a) Bruto Binnelandse Produk (BBP).

(2)

(b) Huidige pryse.

(2)

2.4.2 **Bereken** BBP teen konstante pryse vir 2021 en 2022. (Toon alle berekenings)

2021:

(3)

2022:

(3)

- 2.4.3 **Bereken** die groeikoers van die Bruto Binnelandse Produk (BBP) vir 2022.
(Toon alle berekenings)

2022:

(2)

- 2.4.4 Vergelyk "Land X" se ekonomiese groei met dié van Suid-Afrika.

(2)

[50]

VRAAG 3 MIKRO-EKONOMIE

- 3.1 **Voltooi** Tabel 6 hieronder deur die kenmerke van markstrukture wat gelys is, te vergelyk.

Kenmerke	Volmaakte mark	Monopolie
Aantal firmas		
Aard van die produk		
Beskikbaarheid van markkennis aan die besigheid		
Struikelblokke vir toetrede		
Prysnemer of Pryssoeker?		

(10)

- 3.2 Bestudeer Uittreksel 2 hieronder en beantwoord die vrae wat volg.

Nersa het 'n styging van 18,65% in elektrisiteitspryse vir 2023 goedgekeur en 'n styging van 12,74% vir die volgende jaar.

[Bron: <businesstech.co.za>]

- 3.2.1 **Skryf** volledig **uit** waarvoor die akroniem Nersa staan.

(1)

3.3 Bestudeer Tabel 7 hieronder en beantwoord die vrae wat volg.

Tabel 7: Inkomste-elasticiteit van vraag

Inkomste-elasticiteit
Elektrisiteit
+0,7

3.3.1 **Beskryf** die ekonomiese term *inkomste-elasticiteit van vraag*.

(2)

3.3.2 Verwys na Tabel 7 hierbo en **interpreteer** die inkomste-elasticiteit van elektrisiteit.

(4)

3.3.3 **Bespreek** VIER faktore wat die **pryselasticiteit van aanbod** vir 'n produk beïnvloed.

(8)

3.4 **Bespreek** met behulp van toepaslike voorbeelde die volgende DRIE oorsake van markmislukking.

(a) Niemeriete goedere:

(4)

(b) Inkomste-ongelykheid:

(4)

(c) Eksternaliteite:

(4)
[50]

VRAAG 4 KONTEMPORÊRE EKONOMIESE KWESSIES

4.1 Bestudeer Tabel 8 hieronder en beantwoord die vrae wat volg.

Tabel 8: Ekonomiese aanwysers van "Land X"

Ekonomiese aanwysers	Huidige	Vorige
BBP-groeikoers	1,6	-0,7
Werkloosheidskoers	32,4	33,9
Inflasiekoers	7,5	7,4
Rentekoers	7	6,25

4.1.1 **Beskryf** die ekonomiese term *ekonomiese aanwysers*.

(2)

4.1.2 **Gee** EEN rede hoekom ekonomiese aanwysers vir regerings oor die wêreld heen belangrik is.


(2)

4.1.3 **Evalueer** die uitwerking van die styging in rentekoerse op die ekonomie van "Land X" soos in Tabel 8 hierbo aangedui is.

(8)

4.2 Bestudeer Spotprent 1 hieronder en beantwoord die vrae wat volg.

Spotprent 1: Inflasie



[Bron: <miningweekly.com>]

4.2.1 **Onderskei** tussen die ekonomiese begrippe *hooflyninflasie* en *disinflasie*.

(4)

4.2.2 **Verduidelik** hoe die volgende TWEE faktore wat in Spotprent 1 genoem word, tot inflasie kan bydra.

(a) Vloede:

(4)

(b) Beurtkrag:

(4)


4.2.3 Verwys na Tabel 8 en **valueer** die **mate** waarin die Suid-Afrikaanse regering en die Suid-Afrikaanse Reserwebank (SARB) die fiskale en monetêre beleid kan gebruik om inflasie te beperk. (Noem in jou evaluasie wie verantwoordelik vir die implementering van hierdie beleide is.)

[illegible]

(14)

4.3 Bestudeer Grafiek 5 hieronder en beantwoord die vrae wat volg.

Grafiek 5: Minimumloon in Suid-Afrika



4.3.1 **Verduidelik** TWEE redes hoekom die Suid-Afrikaanse regering 'n minimum-loon ingestel het.

(4)

4.3.2 **Illustreer** die minimumloongrafiek deur middel van 'n duidelik benoemde diagram.



(4)

4.3.3 **Ontleed** die uitwerking van 'n minimumloon op besighede wat vroeër minder as die minimumloon betaal het.

(4)

[50]

VRAAG 5 GEMENGDE VRAE

5.1 "Die buitelandsevalutamark is 'n wêreldwye markplek wat die wisselkoerse vir geldeenhede oor die hele wêreld bepaal."

5.1.1 **Verduidelik, met voorbeelde,** die verskil tussen appresiasie van 'n geldeenheid en depresiasie van 'n geldeenheid.

(4)

5.1.2 **Vergelyk** 'n vryswewende wisselkoersstelsel met 'n beheerde swewende wisselkoersstelsel.

(8)

5.1.3 **Bespreek** met opskrifte VIER redes hoekom lande handel dryf.

[illegible]

(12)

5.2 Bestudeer Tabel 9 hieronder en beantwoord die vrae wat volg.

Tabel 9: Data van koste en inkomste vir Firma X

Hoeveelheid	Prys	Totale inkomste	Vaste koste	Veranderlike koste	Totale koste	Marginale koste	Wins
0	–	–	25	0	25	–	–25
1	20	20	25	12	37	12	–17
2	20	40	25	A	45	8	–5
3	20	60	25	22	47	B	13
4	20	80	25	26	51	C	29
5	20	100	25	36	61	10	D
6	20	120	25	51	E	15	44

5.2.1 **Identifiseer** die hoeveelheid waarteen inkomstemaksimerende uitset bereik word.

_____ (1)

5.2.2 **Onderskei** tussen normale en ekonomiese wins.

 _____ (4)

5.2.3 **Bereken** die ontbrekende waardes A tot E in Tabel 9 hierbo.
 (Jy hoef nie jou berekenings te toon nie.)

A: _____

B: _____

C: _____

D: _____

E: _____

(5)

5.3 Bestudeer Uittreksel 3 hieronder en beantwoord die vrae wat volg.

Die gekonsolideerde begrotingstekort sal verminder van 4,9 persent van BBP in 2022/23 tot 3,2 persent van BBP in 2025/26.

[Bron: <<https://www.treasury.gov.za>>]

5.3.1 **Beskryf** die ekonomiese term *staatsbegrotingstekort*.

(2)

5.3.2 **Gee** 'n moontlike rede vir die begrotingstekort wat na verwagting tot 3,2% van BBP in 2025/2026 sal verminder.

(2)

5.3.3 **Verduidelik** die uitwerking van 'n begrotingstekort van 4,9% op die Suid-Afrikaanse ekonomie.

(2)

5.3.4 **Lys** EEN voorbeeld van 'n direkte belasting en EEN voorbeeld van 'n indirekte belasting in Suid-Afrika.

Direkte belasting:

Indirekte belasting:

(2)

5.3.5 **Evalueer** die **mate** waarin 'n styging in belasting die Suid-Afrikaanse begrotingstekort sal verbeter.

Direkte belasting:

Indirekte belasting:

(8)
[50]


200 punte

AFDELING C

VRAAG 6 DATA-RESPONSE

6.1 Bestudeer Bron 1 hieronder en beantwoord die vrae wat volg.

Bron 1: Suid-Afrika BBP Jaarlikse Groeikoers



[Bron: <tradingeconomics.com/south-africa/gdp-growth-annual>]

6.1.1 **Gee** EEN ekonomiese term vir die laaste drie kwartale van 2020 in Bron 1 hierbo.

(2)

6.1.2 **Beskryf** die volgende ekonomiese terme:

(a) Ekonomiese groei

(2)

(b) Ekonomiese ontwikkeling

(2)

- 6.1.3 Gebruik 'n diagram van totale vraag en totale aanbod om te **illustreer** hoe "**die verslapping van streng regulasies wat op besighede van toepassing is**" kan help om die langtermynegroei koers van die ekonomie te verhoog.



(4)

- 6.1.4 Verwys na Bron 1 en **valueer** die **mate** waarin 'n positiewe ekonomiese groei koers tot 'n verbetering in ekonomiese ontwikkeling in Suid-Afrika kan lei.

(8)

6.2 Bestudeer Bron 2 en beantwoord die vrae wat volg.

Bron 2: Pryselastisiteit van Vraag (PEV)

"Wanneer die prys van 'n produk van R3 tot R5 styg, daal die hoeveelheid wat gevra word van 60 tot 40 eenhede.

6.2.1 **Beskryf** die ekonomiese term *boogelastisiteit van vraag*.

(2)

6.2.2 **Bereken** die pryselastisiteit van vraag (PEV) deur die **boogmetode** te gebruik. (Toon alle berekenings.)

(4)

6.2.3 **Identifiseer** of die pryselastisiteit van vraag vir Vraag 6.2.2 hierbo **elasties** of **onelasties** is.


(2)

6.2.4 **Noem** TWEE faktore wat moontlik die pryselastisiteit van vraag van 'n produk kan beïnvloed.

(2)

6.3 Bestudeer Bron 3 hieronder en beantwoord die vrae wat volg.

Bron 3: Suid-Afrika se grootste handelsvennote



[Bron: <<https://za.investing.com/analysis/south-africas-biggest-trading-partners>>]

6.3.1 **Identifiseer** VIER van Suid-Afrika se grootste handelsvennote in Bron 3 hierbo.

(4)

- 6.3.2 **Bespreek** die voordele van handel vir die Suid-Afrikaanse ekonomie en verwys spesifiek na die tophandelsvennoot soos in Bron 3 op bladsy 33 gelys.

(6)

- 6.3.3 **Bespreek** DRIE metodes wat die Suid-Afrikaanse regering kan gebruik om Suid-Afrikaanse uitvoere te bevorder.

(6)

- 6.3.4 **Assesseer** die uitwerking van 'n beleid van uitvoerbevordering op die Suid-Afrikaanse ekonomie.

(6)

50 punte

Totaal: 300 punte

BYKOMENDE RUIMTE OM VRAE TE BEANTWOORD.

ONTHOU OM DUIDELIK BY DIE VRAAG AAN TE DUI DAT JY DIE BYKOMENDE RUIJITE GEBRUIK HET OM TE VERSEKER DAT AL DIE VRAE NAGESIEN WORD.

[illegible]

[illegible]